

報日環循

光緒九年歲次癸未三月十五日

禮拜六

第三千八百零四號

啟者本局現
 已排印成癸
 未年唐番字
 月份牌發售
 價銀相宜諸
 君如欲採買
 祈早 光顧
 是荷
 七月二十九
 本局謹啟

失機

夫達京師所請必無成說如見國事之岌危而效秦廷之哭則中朝其將之裁法使彼理與中朝李伯相所議越南條款謂越南某處將歸法國版之保護某處仍屬中國管轄而為之戍防此則申畫郊圻各踞其疆域將而有之乎然法廷聞之即將公使調回謂此款必不可行而又必令越廷千八百七十四年約章此約所云凡事當遵照法國而行然則越南將為國也明矣現又接到電音云法兵復臨倫高地方屯駐營壘將來或有一未可知也按倫高乃在阿非利加洲之西南與干高地方境壤毗連法國滙是洲各口岸將必為法國國權而有之矣法國此舉豈因前日埃及之事宜而今欲得志於此將所謂失之東隅而收之桑榆乎法之圖謀於是乎矣法之跋扈飛揚固歐洲之深憂而亦非亞洲之福也可不亟備之也哉

兇手被拘 前錄倫敦發來電音云犯人卑律地已經法司定以死罪今查卑律地乃前在鳳凰園行刺大臣嘉雲地士北忌者固著名之兇手也天眼不爽法網難逃雖已遠颺而仍得弋獲也當時審訊有証人加理赴案供稱我見卑律地偕數人突至兩大臣身旁卑律地以刀刺之事既畢自拭其鋒刃血跡登車逸去是犯現定綴首之刑真一死猶不足以蔽辜矣○購買輪船 小呂宋金馬蘇日報云某輪船公司現經委合卑路公司購得佐治贊火船將用以代利都火船往來中國按利都乃係輪船公司所賃非其本業也聞所購火船不日將駛來港中入澳修轄將或更改船名云又云羅邊臣公司現已將美國烟治博火船修葺妥協煥然一新將用以載運貨物來往各口岸待新船由英國到日然後更換按烟治博火船去歲經小呂宋地方陡遭風颶吹擱岸畔嗣後退出深處船中器具損壞甚多至今方修整完竣云

日本領事言旋 日本駐港領事安藤嘯雲現以國中有公事酌商給假回籍將於三月十八日附乘法國公司郵船言旋東京安藤領事服官港中已歷多年辦事明決為人和藹港中商人無不欽敬即歷來港督皆以禮優待與余相識已五六年矣於其歸也不能無辭謹作七律二章藉以留別其一云數載逢君意氣親辱知文字有前因敢言遯駕無千古曾許神山住十旬雞鶩徒看爭食宿驛驢誰惜困風塵偏隅絕少吟詩侶莫怪年來過從頻其二云海隅物望素推君德政官聲遐邇聞自有文章能畫日還期風雅久扶輪迴帆暫作半年別報績懸知五載勤此後相思應記取蓬萊遙望粵江雲聞安藤領事回港之期約在西歷十月之交云○禮尚往來 十三日下午有德國兵船依福沙巴由長崎抵港燃炮賀本港本港亦燃炮答禮兵船又與港中各兵船互相燃炮致敬禮尚往來所不廢也

光緒八年 九月 初五日